

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Болады деп арманда

ЖАРИЯЛАНДЫ  
22.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129661/>

## БОЛАДЫ ДЕП АРМАНДА

— Ал енді мен ақыл айтам,  
Ақыл айтам, таңданба.  
Қорлық үшін келген жоқсың мына өмірге,  
Жалғанға.  
Мына өмірде, жүрегінде,  
Бойыңда ыстық қан барда.  
Болмысты да, болмасты да,  
Болады деп арманда!  
Ал енді мен ақыл айтам,  
Ақыл айтам таңданба!  
Мәзіріңе, әзіріңе әулекі боп,  
Алданба!  
Шығатұғын күндерге де,  
Ататұғын таңдарға,  
Үмітпенен қарағайсың, жүрегінде жан барда.  
Өтер кетер, өтер кетер...  
Дейміз ғой біз мұңайып.  
Дейміз-дағы, жамаймыз кеп, бір айыпқа  
Бір айып.  
Отандастар, ойлайықшы, ойымызға лайық,  
Құласақ та, тек биіктен,  
Құзға барып құлайық!  
Бықсып жанған қоламта емес,  
Артымызда шоқ қалсын.  
Болашақтың ойнағында,  
Біз тұтатқан от жансын,

...Ей, Болашақ!

Ей, Болашақ! Ошағында от жансын!

Мүмкін, бізді ұмытарсың..

Кім біледі?..

Жоқтарсың...

Мұқағали Мақатаев

**КМ АА** Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.